

Ո Ր Ո Շ ՈՒ Մ

ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ

« 10 » դեկտեմբեր 2020թ.

N 49/49

1. Վարչական իրավախախտման վերաբերյալ գործի նկարագրությունը, վարչական ակտն քննարկելու համար հիմք հանդիսացող փաստերը.

Երևան քաղաքի Արաբկիր վարչական շրջանի ղեկավարի աշխատակազմի աշխատակից Ն. Նազարյանի կողմից 12.11.2020 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 157.15-րդ հոդվածի 3-րդ մասով նախատեսված վարչական իրավախախտում, մասնավորապես՝ կառուցապատող Գազիկ Զավենի Նիկոլյանի կողմից Երևան քաղաքի Գյուլբենկյան փողոցի հ. 73/7 հասցեում բնակելի և հասարակական նշանակության շինության կառուցման համար նախատեսված շինարարական հրապարակը պատշաճ կազմակերպված չէ, մասնավորապես՝ ամբողջությամբ իրականացված չէ շինարարական հրապարակի գոտևորող ժամանակավոր մետաղե վահանակային պատնեշը և շինարարական տրանսպորտի անվադողերի լվացման կետը, որի վերաբերյալ 24.11.2020 թվականին կազմվել է վարչական իրավախախտման վերաբերյալ թիվ 036655 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Կառուցապատող Գազիկ Զավենի Նիկոլյանը (անձնագիր AN0580044, տրված 23.07.2013 թվականին, 004 կողմից) բացատրություն տվեց այն մասին, որ լուսանկարում պատկերվածն իր տարածքն է: Ծանուցումը ստացել է, սակայն հիվանդության պատճառով չի ներկայացել Երևան քաղաքի Արաբկիր վարչական շրջան: Աշխատանքային պրոցեսի ժամանակ պաստառը հանվել է: Շինարարական հրապարակի ցանկապատը կազմակերպված է: Առաջին անգամ է արձանագրություն կազմվել: Ներկայացնում է լուսանկարներ:

Գործի քննության ընթացքում՝ որպես մեկ համակցություն, հետազոտվեցին արձանագրությունը, 22.09.2020 թվականի հ. 01/18-Ն-1630-1313 շինարարության թույլտվությունը, անշարժ գույքի նկատմամբ իրավունքի պետական գրանցման վկայականի պատճենը, Երևան քաղաքի Արաբկիր վարչական շրջանի ղեկավարի 12.11.2020 թվականի հ. 25/01-06/81 գրությունը, Երևան քաղաքի Արաբկիր վարչական շրջանի աշխատակցի 24.11.2020 թվականի գրավոր բացատրագիրը, շինարարական հրապարակի կազմակերպման նախագիծը, ինչպես նաև կառուցապատող Գազիկ Զավենի Նիկոլյանի կողմից տրված բացատրությունը, ներկայացված լուսանկարները և իրավախախտման լուսանկարը:

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ կառուցապատող Գազիկ Զավենի Նիկոլյանի կողմից Երևան քաղաքի Գյուլբենկյան փողոցի հ. 73/7 հասցեում բնակելի և հասարակական նշանակության շինության կառուցման համար նախատեսված շինարարական հրապարակը սահմանազատող ժամանակավոր ցանկապատը և շինարարական հրապարակի տարածքից բեռնատար մեքենաների ելքը դեպի փողոց մարուր անվադողերով ապահովելու համար դրանց լվացումը /բեռնատար մեքենաների անվադողերի լվացման կետը բացակայում է/ պատշաճ կազմակերպված չէ, ինչը բերել է շինարարական հրապարակից դուրս ընդհանուր օգտագործման տարածքի աղտոտման: Կառուցապատող Գազիկ Զավենի Նիկոլյանի կողմից ապահովված չէ Երևան քաղաքի ավագանու 16.03.2012թ. N 405-Ն որոշմամբ հաստատված կարգի 6-րդ կետի 4-րդ, 7-րդ կետի 4-րդ, 7-րդ, 9-րդ ենթակետերով սահմանված պայմանները:

Կառուցապատող Գազիկ Զավենի Նիկոլյանի կողմից թույլ է տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում:

Հաշվի առնելով կառուցապատող Գազիկ Զավենի Նիկոլյանի կողմից տրված բացատրությունները, իրավախախտման հետևանքների վերացման ուղղությամբ ձեռնարկված միջոցները և այն, որ կառուցապատող Գազիկ Զավենի Նիկոլյանի կողմից առաջին անգամ է թույլ տրվել Օրենսգրքի 157.15-րդ հոդվածի 3-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել ու տուժողներ չկան, ուստի առկա է վարչական իրավախախտման համար պատասխանատվությունը մեղմացնող հանգամանքը:

2. Վարչական ակտ ընդունելու հիմնավորումները.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 157.15-րդ հոդվածի 3-րդ մասի համաձայն՝ կառուցապատվող օբյեկտներում շինարարական հրապարակների տարանջատման ու սանիտարական վիճակի ապահովման պայմանները չպահպանելը՝ առաջացնում է տուգանքի նշանակում՝ սահմանված նվազագույն աշխատավարձի յոթանասունապատիկից մինչև հարյուրապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 2-րդ կետով, 33-րդ հոդվածով, 157.15-րդ հոդվածի 3-րդ մասով, 252-րդ, 219.1-րդ, 281-րդ և 282-րդ հոդվածներով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Կառուցապատող Գազիկ Զավենի Նիկոլյանին Օրենսգրքի 157.15-րդ հոդվածի 3-րդ մասով ենթարկել վարչական պատասխանատվության՝ նշանակելով վարչական տույժ 70.000 (յոթանասուն հազար) ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035311100 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԵՐԵՎԱՆԻ ՔԱՂԱՔԱՊԵՏԱՐԱՆԻ
ԱՇԽԱՏԱԿԱԶՄԻ ՎԱՐՉԱԿԱՆ
ԻՐԱՎԱՆԱԽՏՈՒՄՆԵՐԻ ՎԵՐԱԲԵՐՅԱԼ
ԳՈՐԾԵՐԻ ՔՆՆՈՒԹՅԱՆ ԲԱԺԻ ՊԵՏ՝



ԱՐԱՍ ԱԲՈՎՅԱՆ